

## Evesumu Vichavamyujura Catera

### *Pávurubay muchuveda*

<sup>1</sup> Ray Pávuru, rañicha Jesucrístu nusubiyi Judenu jtedamujū, jiryimujū saju jĩintyasavay jiryatiy Evésumu vichavay jirye, jiryatiy jiryevyichasara Jesucrístu vaṭadamu day, samiy siityevay saju variy jirye. <sup>2</sup> Jiryajmutyara samirya vichada Vujye Judenumusiy, Vuyntyityu Jesucrístumusiy jarye, jiryatiy jiryimutya simusirya jiryejyuuchuveda ramityadedaju.

### *Vuryimutyajayasara Crístumusirya rajuura samirya vichasara vuryinuyada jiyadaju*

<sup>3</sup> Junareju jchanatyasi savichasara Vujye Judenu, jiryatiy Vuyntyityu Jesucrístu jañi, niday sachara varintyirya rajuura samirya vichasara vuryinuyada jiyadajuntiy, Vuyntyityu Jesús musintyi, jarichuvimu, diyemusidyerya titaju vujyu darya. <sup>4</sup> Daryamusiñiday sajaryetada Crístumujū vuy, netimyu ne sundejadara mucadi variy didye, vuryatidye vichasara jĩintyevye saju, ne vacha niqesara rachasara sadiya vuñijyu nūday.

<sup>5</sup> Sadirya vaṭadamusiy yiteda: Rajmutya sitenu radyedyeñuju jirye, Jesucrístumusiy sajachipiyajada daryá, jidyirya niryadamuju.

<sup>6</sup> Ramuniday vuryajchanatyani Judenu samirya sayadiva, jiryatiy sadirya niryadata jichedyevyuy, jiryatiy jaryi savatasavay daryaju

Jesucrístumusidyevyuy. <sup>7</sup> Jesucrístu jiryinuy murichedoda yindajata vujyuuchueda jiyadaju, saramityaniy Judenu variy vuryivara, jiryatiy jaryi samiryamu saniruyadata jichevyuy. <sup>8</sup> Sasayada jaryivyaju vujyura jidyetyada titaju, samirya jachipiyajada jarye titaju risaju. <sup>9</sup> Sadytanunuyada vurya jivyatara, jiryatiy dutyasara ravichanuyada tavajyu, jvadicharaday sajachipiyajada jvaayadara jijechara jidyirya Crístumu. <sup>10</sup> Sajachipiyajada jvaayadara ranumatiy jutí sitotadede runda, jasityidye sabay Crístu nusuyadaju titajura jiryatiy navay jarichumu darya, mucadiva vichara jarye titaju risaju. <sup>11</sup> Simusidye riryajmutya titaju Crístu siityarivantyirya jiyaruryantiy jiryatiy sabayada Judenu rijyu darya. Sadirya jachipiyajadata jibeyada daryajura jidyirya jvaaryuyada. <sup>12</sup> Darya sivaay jidyirya darya, ratidye danuya jaryi vanda suru, jiryatiy riichanatyada nijyanvay nunchirya, jiryatiy munatya nuñi nutuyada sajiju vuryeyada ráñu Crístu. <sup>13</sup> Jirye jaryentiy, jiryetyuvachodanumatirya sitenu tuchoda sanijyu, jiryatiy samituchoda darya, ramusiñiday vudyetyara Judenu jantyutyada. Jiryetyuvachodanumatiy variy simu, sabayada yintuta jijyu variy jirye, darya niday suteda variy: Rajpani rintu ribivaju jiryimujuntiy. <sup>14</sup> Jiryatiy sasayada Yintu vuy, vudyetya jita ramusiy vuryajmutyara jantyutyada Judenumusiy, riryatidye jchanatya nijyanvay variñi Vuryindenu, rajasay jaryi vanda suru variy.

*Pávurubay jachiñuyada Judenuvara datyada Crístu siityarivajyu*

15-16 Ramunídantyi, ratyuvachodanumatiy ranchiy jiryetyuvachoda simu Vuyntyityu Jesús, títajū jiryevyatadanchiy jarye riñijyu títajū Judenu siityarivajyuu, ne rapyaruy riva jchanatydani Judenu jiryeniyyu, jasidye rajechipityaja Judenujsa tuchodamu jiryē. 17 Rajechiñuy siva Judenu, Vuyntyityu Jesucrístu jay, nítiiy vichasara vandamu, satidye say Yintu jiryē, simusityi jiryēcha jaryi datyavay, jiryatīy sadityanu jiryēñi Jesús, jiryatīdye datya sitenunī. 18 Rajechiñuy jiryeyadajū, sanononurya jiryējēchīy datyada, jiryatīdye datyara tarajijū jiryentuchara, jiryatīy sabayada Judenu jiryējyu darya, tā jaryi taratavay jiryēchate jasiy jiryatīy jiryimutyara jiberya vandamu rusa títajū sasiityarivajyuu. 19 Rajechiñuntyi jiryatīdye datya ne tī saradoda sarara sadatyadoda, jiryatīy simu tuvachuvamyu darya, ratatīy sivaachara jaryi jivyanuyadata darya. 20 Darya savanuyadataday jimyisadedani Crístu diibyimusintyi, samasadedajīta yintyityudamyujū jarichuvimunī. 21 Vujyē Judenu bayadani Crístu títajū bayantuvedanchajū, jiryatīy rutachara jaryi vanuvyeyu, datyavay jarye, títajū jiryā mucadiva vichavay jiryatīy rutay daryajū nutyityumiyu, nusuyadacanimiy daryajuriy. Títajū jiryā jiyadajū sasañi Crístu jaryi datyadajū, dantyamuy ne vinu diye vichavajyu, rusiy vichavajyuntiy. 22-23 Sabayadama Judenura títajū Crístu numutu jaridye. Ramunīday sabayadani Crístu jamu

nutyityujū, títajū sasiityarivajyuu nutyityujū jarye, jiryatij riñicha savu nta variy. Savutanuma títajū yitotadedayu, nítij datyadarya mityamusiy jtotadeda títajū tara day.

## 2

### *Santyutyada Crístu jivyatadamujū vuy*

<sup>1-2</sup> Jirye jerye vichanuyada diibyimiy Judenu diya jiryeyuuchuediva. Jiryevyichanuyada variy juuchatavay jiryatij jiryechiityarínuyadara vacha vichada títajū daryajū. Jiryevyichanuyada variy bayantu nutyityumu tuvachuvay, bayantu rapuy nítij vanutyada riy rityimyu ne tuvachuruy simu Vujyē Judenu. <sup>3</sup> Títajū nujerye vichanuyada tariy ramuntij. Nudyivaañuyadara daryatij nudyivaaryuy, nvyu vātara jarye, nujechij vātadamu jaryentij. Ramuniday nuvyichanuyada variy parutisavay Judenu jtedamujū, nutyu tavay nijyanvatyi títajū darya. <sup>4-5</sup> Judenu jita nítij jaryi jantyutyara, jiryatij savatada jaryi jivyatadamu vuy, dañuma vuñichanuyada diibyimiy vujyuuchuediva, Crístu jsajū sasayada jamuca jnyadaju varivyuy. Saniruyadamu jiryeyada variy vuryeyadaju. <sup>6-7</sup> Samisadeda Judenu Jesucrístu jsajū vuy, samasadeda jarichumu sisajū varintyivyuy, satidye dityanujayasara junare sarajura jaryi yentyutyada, jiryatij jaryi samirya jachityi savichasara daryajū vuñijyu Jesucrístumusiy. <sup>8</sup> Vinu santyutyadamusiy vuryamitya mityara vujyuuchueda murichirya, jiryatij vutyuvachoda simu. Vutyuvachoda

jítantiy ne vudyirya tuvachoda darya; Judenumusiñuma ranicha títaju day. <sup>9</sup> Ne vucyanay vuryivaayadatará, vuñuma jchanatya ranchivyuy. <sup>10</sup> Vuvyichasara daryaju sundebimiy jiryatiy sundejada Jesucristumu vuy, vuryatidye vichasara samiy jvaavye, darya sabayada jityaju vuryavichajayasara daryá samirya sadiya.

### *Vuvyichasara samivye Jesucristumu*

<sup>11</sup> Ramuní jiryajachipityara nutyu jiryevyichanuyada munuñumiy Judíyuvéda diya. Jiryatiy rutachara jmutyonusarara jivyu Judenunijyu, runuy jita jiryenecho nutyu Judenu rrachúvay, jiryatimyu ne jmutyonusavay daryaju jiryedye. <sup>12</sup> Variryundamu jiryevyichanuyada tajiñechoju Crístujisíy. Ne jiryevyichanuyada variy Judenu siityarivay tevamiy, dantyamuy ne jiryedyetyada didyerya Judenu jteda jiryeyada rayadaju didye. Jiryevyichanuyada mitya, ne jiryentuñuyada sajiju Judenu jirya vuryinuyada rundamu. <sup>13</sup> Diye jita Jesucristu batyeda nudajamusiy, satuudityaniy Judenu variy jirye, ripyá daryaju jiryevyichanuyada sajisidye.

<sup>14-15</sup> Sanicha jita Jesucristu samirya vuvyichadaju day, varidye santyeryadedara davichadajuy tavichadaquijuntiy, daryamusiy sapuyadara riñiqueyada jijequivyasiy, ramuniday rivyichanuyada ripyá sajisíy. Sitotadedá Jesucristura Judenu jteda juuchuvéda jiyadaju jivyumu, sabatyedamusiy. Sutéda Judenu daryaju rajuura niquejadamusiy, nutyuramusiy vuryavichasara samiy, nutyuramusiy. Sabatyedamusiy jita yindejada Jesucristu

ni tiqui nijyami yimu, jiryatij sabayadara vuryatidye vichajayasara samirya mityiji. <sup>16</sup> Crusityasa batyedata saratyadoda mityijijyuryi davichadajuy janvay Judenu diya, riryatidye vichasara titaju nutyu tevajyuu nta variy. Rata jita rabaryijada rimyityasiiyadayu. <sup>17</sup> Daryamusiy jita sudeda Crístu samirya tuchoda nacho, jiryatidye tuvachu ranacho samituchoda, samiy vichada jarye, jiryatij jiryevyichasara ripya daryaju sajisiy. Daryaday satuchu ruuva Judíyuedantij dañumamuy ne riñicha ripya vichavay. <sup>18</sup> Crístumusiy jita vuryito titaju, dañumamuy ne Judíyueda vuñicha, varimyata sitenu Judíyueda davuy, vuryinij titaju Vujye Judenumuju vinu tiqui sitenu Suntumusiy. <sup>19</sup> Ramunimuy ne jiryenicha munuñumiñuday, dantiamuy ne raruva janvay. Jiryenicha jita Judenu jientyasavay tevamyidye, Judenu rorijyanvay tevamyi jarye risaju titaju. <sup>20</sup> Saroriij Judenu jiryetya rincha yinsubymiy, sajú tuchuvabe jarye, nutyu jutuvu nta riñicha variy. Niní Jesucrístu sanicha ravichu nta rorij surutyaju. <sup>21</sup> Simu jita jiryentyeryanij nutyu roriche variyu, rasay samiy rorijyu jiryatij bachara Judenunijyu jachipiyajojura. <sup>22</sup> Daryanuma jiryentyidye, nutyunuma taroriqui titaju jiryevyicha nta variy, samirya vichajo Vujye Judenuju, Suntumusintij.

### 3

*Supajada Judenu ni Pávurubay ruumu jiryatimyu ne Judíyueda daryi*

<sup>1</sup> Ramuníday, Ray Pávuru, ravvicha tanuvunusi Crístu siityarisadiva, samirya jiryevyichadaju jiryatimyu ne Judíyurveda jiryedye. <sup>2</sup> Jiryeñi tuvachodama dyetyara nutyu sasayada Judenu jivyatadamu ray, ratidye tuchu jiryivara samituchoda. <sup>3</sup> Vujye Judenu dityadoda daryajura datyada dutyasara, darya rañuyasiy pasidye ranchiy jiryimuju, jiryatidye datya varirya. <sup>4</sup> Jiryeñumatiy jny ramu rañiquejada nuchara, jiryama datya variy ramusiy nutyuramusiy radyetya radyerya Judenu niquejada day, jiryatiy dutyasara Crístunchirya. <sup>5</sup> Ne sadyanunuyada Judenu tarijyemyi nijyanvavya darya, nutyu diye sadatyanu Yintumusiryi yinsubyimiy, saju tuchuvay jarye. <sup>6</sup> Ranuma ranicha sadatyadoda, jiryatimyu ne jvadichara darya: Nijyanvajyuu jita, jiryatimyu ne Judíyurveda daryi, riñicha Judenu dadyeñurveda rusa Judíyurveda, Crístu vutera jarye, Judenu niquejada jmutyavay jarye titaju. Riñiday vicha vatajuu Jesucristumu, jiryatiy rityuvachusara samituchodamu. <sup>7</sup> Saniruyadata jicheyada Judenu ray, ratidye vicha samuchechiy savanuyadata, jiryatiy jvaachara rimura. <sup>8</sup> Dañuma rañicha tamityi Judenu jaryeti, sasayada Judenu radyerya, ratidye tuchu nijyanvavyara, jiryatimyu ne Judíyurveda daryi. Ratyuchu ruuvara samituchoda Crístunchiy, jiryatiy vuvyichasara jaryi taratavay Crístumu, jiryatimyu ne vucharanumuyadasarara. <sup>9</sup> Suteda titaju riva darya, ratidye datyanu vijyomujache titajura sajachipiyajada, jiryatiy ravichanuyada

dutyasara tariy simu, n̄itiy judejada t̄itajura. <sup>10</sup> Saḍityanu variy jichiityariḥvajuumusirya t̄itaju jidyetyada. Saḍityanu diye riy nutyityuveda, nusūvyevyeda jarye jiryatiy jarichumu vichavantyiryi. <sup>11</sup> Sitotadeda Vujye Juḍenu, vuryeyada rañu Jesucristumusiyy darya, jiryatiy sabayada rajotadamusirya. <sup>12</sup> Jiryatiy vutyuvachu simu Jesucristu, vuryitosara simu Juḍenu vuchuvuyasadamu variy. <sup>13</sup> Ramuni rayasanta jirye ne jiryaparutyajayasara riva jiryatiy paruchariy ravyichasara jiryeyadaju, tapi jiryichanatyasadamu daryaju darya.

### *Crístu vatada*

<sup>14</sup> Ramuniday radasiñu Vuyntyityu Jesucristu jay nachoju ray. <sup>15</sup> Judenumusiñuma vuryimutya t̄itajudarya vuryitya day, nuñi tevajyuu, muy jarichuvimu, daryatiy jiyu mucadimuntiy. <sup>16</sup> Rajechiñuy jiryeyadaju savanutyaniy Juḍenu jivyanuyadata jirye, jiryatiy sasay Yintumusiyy jiryejechiy vanutyadajura. Jaryi vanda vijyomu vanuyadati daryaju dañi Juḍenu day. <sup>17</sup> Rajechiñuy satidye vichasara Crístu jiryejechimyu, jiryetyuvachodamusiy, jiryatiy jiryevyicha vase jachipiyavay savatadamuju nutyu nutasara, rajuura jnutijyuutara, varimyata nutyu jutuvu surra jusityasará. <sup>18</sup> Rajechiñuy siva ramusiñuma jiryadatya rusaju t̄itaju Juḍenuju j̄intyasavarya savatada, jiryatiy jaryi vojotara darya, jiryatiy jaryi jamucantirya, jiryatiy jaryi navajyuntirya, jiryatiy jaryi nicharicharajuntirya. <sup>19</sup> Rajechiñuy jiryadatyara Crístu vatada jiryatimyu ne vudyetyamuyadasara



darya, jiryatidye vichasara títaju daryá nutyu Judenu vichasara daryá, jiryatiy savichasara miryani jiryimu.

<sup>20</sup> Diye vanda rāchasara títaju saju, nítiy datya jvaayada jaryivyajura rajaura ranchaju vujechiñyada jiyadaju, varimyata vujechipiyajada jiyadajuntiy. Darya vandanuma rāchasara variy sajuntidye, nítiy datya jmutyada jivyanuyadata davyuy. <sup>21</sup> Saju jita racha vanda, sasiityarivajyuumusiy, Jesucristumusiy jarye, junare saraju títaju. Dañuma rāchajayasara jasiy daryá.

## 4

### *Vuryecha vatajuu Judenu Jnutumusiy*

<sup>1</sup> Rayasanta jita jiryey, ray jiryatiy ravyichasara tanuvunusi Vuyntyityu jiyadaju, ritay títaju jiryivara: Daryanuma jiryavichajayasara sanijyu Judenu, daryatiy jiryeyñuma rañicha títaju Judenu jaryetasavamyi. <sup>2</sup> Samiy jachipiyajadatavay jiryecha, samirya jachityavay jarye, jiryatiy jiryechiniy jivyatadamu nuñi jiryedyeyu. <sup>3</sup> Parucharimyusiy jiryeryiryira vatajuu Judenu Jnutumu vichada, jiryatiy jiryevyichasara samirya nuñivajyuu yisa. <sup>4</sup> Jiryecha nutyu tiqui nta Cristumu variy, daryadantiy tiqui Jnututavantiy jiryatiy sanatuyada taraqui nutuyadata jiryey. <sup>5</sup> Vinu nini sanicha tiqui Vuyntyityu, daryaday taraqui tuvachoda simuntiy, daryaday varintyirya taraqui jityuyadantiy. <sup>6</sup> Savichasara vinu tiqui Vuryindenu, vinu ni vichasara Vujye

vujyu. Nini vichasara rancha titaju, savichasara ranube titajuntiy, savichasara ramu titaju risaju.

<sup>7</sup> Nuñi tiquimusiy vuryimutyara sasaryá jiryatiy vuryeyarurya darya, daryatiy sasaryuyada Crístu davyuy. <sup>8</sup> Darya suteda Davyíbe sanchiy:

Sasubedanumatiy jita navajyu, sayatada riy tanuvunusavajyuu yisaju, sasayada variy nijyanvarya jiyarurya.

<sup>9</sup> Jiryatiy suteda Davyíbe: Sasubeda, vudyetya ranchiy jiryatiy sumusada munatya mucadijarijyu. <sup>10</sup> Niday Jesús jmusadantiy, niday jasubeda rivasiy varintiy, jaryi navay jarichuvimujuntiy, satidye muchaniy jidyetyadata titajura tara. <sup>11</sup> Sasayada datyada riy tavay, riryatidye vicha variy nusuvye, tavay jita sutedamu tuchuvay rusaju, tavantiy saniquejada tuchusavajyu, tavantiy sasiityarivajyuu jnutyadaju, tavantiy datyanuvajyu, Judenu niquejada datyadodaju. <sup>12-13</sup> Daryamusiniday sudutyada Judenu riy jijeryetavay ruvaayada jiju, riryatidye vanutyanyirya Crístuvu, titaju sasiityarivajyuumusiy, jasicharajutiy vuryito mityiji jachipiyajadaju sisa Crístu, vutyuvachodamu, vudyetyadamu jarye, jasicharajunuma vuryecha samiy jamyi, jiryatiy vucheryeryurya Crístu javyeda. <sup>14</sup> Ne vuryecha variy nutyu deramiy nta nuday, jiryatiy riry anumitya vanira darya jijechipiyajada day, runtatanumatiy nijyanvarya taji datyadoda. Rijetyaruy tajijyura vujechipiyajada nutyu riyerya, varimiyata riicho jatyari tajijyura vucyartye. Jasiy daryaju riy nijyanvay rityi quivuchunaya vacha datyadodamusiy

jirye, jiryatiy riryānumityaruy tajijyura jiryechipiyajada nupocudi núquiivaju daryaju.

<sup>15</sup> Vuryānique jítara samiy niquejada vuvyātadamuju. Vuryāma javye títajumu sanāchoju Crístu, nítīy vichasara vuryīno.

<sup>16</sup> Simusiñi jíta jiryīnuy vūvyichasara nūtyu savu nta, títaju jiryatīy vūchiityarīsarani. Vūvyichasara mītyijijyuu sisā, nūtyunuma rupanichara nta ravichasara vujyūu títaju sanīy Crístu, daryanuma sabayada Jūdenu darya. Rajotanumatīy jvaayada samīrya nuñi Crístu vūtera, rajāvyē savu varīy, vūvyanūtyasara varīy vuvyātadamusīvyūy.

### *Vadi jnyada Crístumu*

<sup>17</sup> Jīrya jíta rītay jīryīva; ratyūchu Vūyntyītyū jtedamura: Ne jīryāvichasara nūtyu munūñumiñūday, rīvyichasara daryaju jīdyīrya jachīpiyājadamusīy. <sup>18</sup> Rīvyichasara nupocunubesīy jachīpiyāvay, Jūdenu jnyadamusīy jīntyasavay, jīryatīy datyīsamiy daryaju daryī, jaryī surra daryajura rījēchīy rajīsīy. <sup>19</sup> Jīryatīmyū ne rīdyetyara janāda nūndye, rībemyāra jīvyīchāda rīryātīdye vichasara cadnavedacanūmīy, rīryātīdye jvaarya vācha jvaayada jaryī. <sup>20-21</sup> Jīrye jíta datyādani Crístu darya vīchādajīsīdye, jīryetyī tuvāchodara sītenu niquejada, jīryatīy rīdyetyadoda jīryerya, darya ravichasara sītenu Jesúsmu day. <sup>22</sup> Jīryājatyā jīryechīmīyusīrya tarīy jīryevyīchāda, jīryatīy jīryevyīchasara jarapūvyē ramu, vācha nīrūvyē jīryatīy quīvūchodata rīñīrūtīyaniy jīryerya. <sup>23-24</sup> Jīryechāsīy vadīvay

yintumu, jiryejechimyu jarye, jiryama jachu yiva ni vadi nijyami, jiryatij judesi dañi, nutyu Judenu daryá, jiryatij vase bachij dañi, Judenuju jaryetasi daryaju dañi.

*Nutyuramusiy vuryi vichasara vadi jnuyadamu, nutyuramusiy*

<sup>25</sup> Ramunij jiryajatya yajisirya quivuyada, jiryatidye niquera sitenu niquejada nuñi jityuunu vichavatya, tapi vuvyichanuma nutyu Crístu vutera titaju. <sup>26</sup> Jiryatij nique, ne jiryajuuchuvay variy, dantyamuy ne jiryasurutyanirya jiryeñiqueyada jidye saraju. <sup>27</sup> Ne jiryabay vidavijo bayantu nutyityujijuj jiryejechimyu.

<sup>28</sup> Nitij vichanuyada paranunij, sama paruy riva paradoda, sama jvaay jijyomututara samirya jvaayada, satidye say tara nij jantyuyani.

<sup>29</sup> Ne rasipyatachara nicyaray niquejada jiryitosiñuday, vinu samiy niquejada, vuryatidye vanutyaniy riy vutyevamyi ramusiy, riryatidye jmutya ramusirya Judenu jmutyada. <sup>30</sup> Ne jiryayivatyaniñi Judenu Jnutu, sabayada Judenu daryaju nij Yintu jiryiva, satidye puchiy tamitya rundamu yisaju variy jirye. <sup>31</sup> Jiryánuma paruy titaju riva jaryi niqueyada, japichiy niqueyada, niqueyadamusiy sañeyajada, javityiyeyada, titaju nicyaray jvaayada, nicyaray jachipiyajada jarye titaju risaju. <sup>32</sup> Jiryecha samirya jachityavay jiryisa, jantyutyavay jarye, jiryantya ramityanintyidyerya jijyuuchurveda yivantidye, nutyu Judenu ramityadeda jiryivara jijyuuchurveda Crístumusiy.

## 5

*Nutyuramusiy riryi vichasara Judenu dadyeñumiy*

<sup>1</sup> Ramuni jiryecha Judenu jantyavay jiryatiy jiryenicha sadadyeñu jaryi vatasavay. <sup>2</sup> Jiryama vichasara jaryi vatadamu, daryatiy savatada Crístu daryá vuy, sasayada variyu, satidye batye vuryeyadaju. Suntatyada parucharimysiy Judenumujuyu, jiryatiy sumutyajada Judenura suntatyada, nutyu vurudi jaryi jurura saju. <sup>3</sup> Jiryetyi rañicha Judenu vichadamu, ne jiryanique cadnavedanchiñundy, dantyamuy ne vacha jvaayadanchiy, dantyamuy ne jaryi tara canuyadacaniminchiy, tapi ratatiy jiryajarupanu variñi ti. <sup>4</sup> Daryantyamuy ne jiryanique nicyaray niquejada, datyisadamu niquejada, jamiryamu niquejada jarye, mitya. Jiryanique jítara niquejada ratatiy jiryichanatyada ni Judenu. <sup>5</sup> Jiryadatya samiy daryajura jiryá: Nitiy vichasara cadnavu, varimiyata vaturuy cadnatoda, varimiyata vacha jvaarya, varimiyata tara sachara canuyadacanu, jiryatiy sasiityari Judenu jiyasachirya tara, ne sajmutyasara mityara jiyarurya Crístu nusujyomu, jasityi sansuchara Judenu ni. <sup>6</sup> Ne jiryaquivuchutaniy mitya niquejadatayu, tapi darya jvaayadacosiy rajti Judenu niqueyada jaryi riyaroju rityimyu ne tuvachuruy simu. <sup>7</sup> Ramunimuy ne jiryecha rusá rupivye darya vichadamu. <sup>8</sup> Tariñuma jirye vichanuyada nupocudinube, diye jita jiryevyichasara Vuyntyityumusiy vandamu. Jiryavichasara

samirya nūtyu Judenu dadyeñumiy. <sup>9</sup> Vandamu rupiyadamusiy runday tītaju jiryatīy samiryara, jiryatīy vase jaryera, jiryatīy sītenu jarye risajura. <sup>10</sup> Jiryama jantya jvaayadara jiryatīy samirya Judenu diya darya. <sup>11</sup> Ne jiryajvaay mityiji rusa rityi jvaay nupocudinubera jiryatīmyu ne samirya Judenu diya darya. Jiryasipyata jīta nupocudinubesirya vacha jvaayada, nonomuju. <sup>12</sup> Jadasara jītara vuñiquejada ranchiy jiryatīy ruvaachara dutyadamusirya. <sup>13</sup> Tītaju sipyataranumatīy vandamuju darya, ramacho tītaju vandamu variy. <sup>14</sup> Tītaju jvadicharanuma nonodamu darya. Ramunītiy rutay variy:

Yanuma jidyō mayadacanu, yanuma misasumiy diibymiy cabyimusiy, sanónonúy Crístu variy yiva.

<sup>15</sup> Ramunīday, jiryinūtyatata samirya jiryevyichada. Ne jiryechasara datyisamiy, jiryecha jīta datyavay. <sup>16</sup> Jiryedyetyatata samiy ramityadara jiryevyichada jiyu, jiryatīy nicyaray vichada daryaju diye. <sup>17</sup> Ne jiryecha datyisamiy nundye, jiryama datyara Vuyntyityu niruyada. <sup>18</sup> Ne jiryaniyuñuday, jiryatīy jarapuchara daryaju darya. Jiryama vichasara muchanichavay Judenu jnutumusiy. <sup>19</sup> Jiryaniqueta nuñi vajyuu murrayadatayu, jiryatīy vumyurray Judenunijyu Suntumusiy. Jiryamurrachara tītaju jījechitya jiryatīdye jchanatya ratani Vuyntyityu variy. <sup>20</sup> Jiryajchanatyajayani Vujye Judenu tītaju riva jiryatīy samirya darya, rivantīy jiryatīy ne samirya ranīchantīy, Vuyntyityu Jesucrístu

jtyamu jiryajchanatya variñi.

*Nutyura saryi vichasara Judenu siityarinu jiry-orimyu, nutyura*

<sup>21</sup> Jiryatuvachu nuñi tiquimusiyy yimu, jiryatyy jiryechuvuñi Crístu. <sup>22-23</sup> Vatuy, jiryatuvachu jaryi ruumu jivyaduy, nutyu Vuyntyityumu vutyuvachu daryantyy, tapi sabayada Judenu ni vanu nutyu nutyityu savaturaju, daryani savicha Crístu jichiityarivajyuu nutyityuntiy, jiryatyy riyada ráñuni. Niñi vicha nutyu runo, riy jita nutyu savu nta varidyey. <sup>24</sup> Nutyu Crístu siityarivay tuvachusara yimu, daryani riryatuvachusara vatuy ruumu jivyaduntyidyey.

<sup>25-26</sup> Vadumyjerye ravatasara jaryiñada jivyaturuy, nutyu Crístutyy vatanuyada darya riy jichiityarivajyuu, sabatyeda variy riyadaju, jiñiruyadamu, satidyey jiintya variy jijyu daryi, jiryatyy sapuyada daryaju ruovasirya jiyuuchaveda, jiryatyy riityuyada Judenu niqejadamu tuvachuvay jaamu.

<sup>27</sup> Sivaayada daryá satidyey jnutatya yimuju riy, jaryi vandamu vichavay, ne riryecha vatajo tavay, dantyamuy ne tara nicyaray bayasara riñijyu, dantyamuy ne nicyaratyavay, mitya. Savata riryecha jiintyevyey jijyu, ne javatyasavay, mitya. <sup>28</sup> Nutyu vaduy jantyutyara jivyuu, saniruy jaryiyu, daryaday saryi jantyutya nada jivyaturuntyi, saryi niruy jaryi nadantidyey. Tapi nitii vata nada jivyaturuy, savata variy daryantidyeyu. <sup>29</sup> Ne ti javittyurya jivyuu; sapotyany jítayu, daryatyy sunutya Crístu riy jichiityarivajyuuntiy jiryatyy

vuryitay savu daryi. <sup>30</sup> Vuy jarye vichasara savutera varyi. <sup>31</sup> Darya suteda:

Ramuni, satochiy vanuni jijye, sunoda jarye, satidye jamuy jivyaturaju varyi, danujumyusiy nanachasara nutyu tiqui varyi.

<sup>32</sup> Jirya jita jaryi tittasara datyanusara daryaju darya, jiryatiy dutyasara ravichanuyada. Raniday suteda Judenu Crístunijyu, sasiit-yarivajyuu nijyu jarye. <sup>33</sup> Darya ritesiy jiryeyuntidyerya jirya niquejadantidye: Nuñi tiqui vanu ravata nada jivyaturuy nutyu savata jaryintyidyeyu, daryaday vatujyuntiy, riryabay samirya riy jivyaduy.

## 6

*Nutyuramusiy riryecha deramiy jijyemyitya Crístumu, nutyuramusiy*

<sup>1</sup> Deramiy, jiryama tuvachu ruumu jijyemyi, Vuyntyityumu, jiryatiy vase vichasara daryaju darya. <sup>2</sup> Darya suteda Judenu:

Vuryajnuj samiy nanunacho vuryinoda, vujyeñecho jarye.

Sabayada jirya niquejadatara ruventiy, vuryatidye datyasarara nutyu racha rijyu rityi tuvachusara ramu. <sup>3</sup> Suteda jadchintyi:

Vuryajnuj samiy nanunacho vujyeyjuy, vuryatidye jnuyeyasara samiy jamuca jirya mucadimu.

<sup>4</sup> Deramiy jamyintyi, ne jiryaniquettaniryi jidyedyeñu, jiryama javyechu Vuyntyityu vasedodamu riy, sadatyadodamuju.



*Nutyuramusiy riryecha muchechimiyi  
jipyatrumitya Crístumu, nutyuramusiy*

<sup>5</sup> Cumudemintyi, jiryama tuvachu simu jipyatru. Jiryajvaay jichuvuyadamu, jiryemyichutyedamu nta jarye risaju, darya ntanuma jiryeni jvaay taraqui jachipiyajadata Crístunijyu varyi. <sup>6</sup> Ne jiryajvaay vinu satidye jachipiya jiryepyatru samiy jvadichavay varyi jirye. Daryatyi Crístu cumudemidye jiryenichantiy, jiryama jvaay jijechityara Judenu vatara. <sup>7</sup> Jiryajvaay samiy jachipiyajadatara nutyu Vuyntyityuju, ne nutyu nijyamiju day. <sup>8</sup> Jiryedyetama daryaju darya: Sajmutya nuñi tiquirea samiy yivaayada murichirya. Daryani sajmutya Judenumusintyirya, dañuma sanicha cumude, varimyatamuy ne sanicha cumude.

*Nutyuramusiy riryecha patrumiy  
jimyuhechimyitya Crístumu, nutyuramusiy*

<sup>9</sup> Patrumintyi, jiryama bachara samiryi jicyumudemiy. Jiryama paruy riva jasuyeyada niqejadata riy, jiryajachipityaja variñi jiryatyi savichasara tiqui Vuyntyityu jarichumu, nitimyu ne datya javiryutyada ti.

*Judenu siityarivay jvatya ratatyi ruvachara riy  
bayantuveda*

<sup>10</sup> Parichemyusiy jita, ratyeryiveda, vuryama vanuya Vuyntyityumu vuy, jaryi savanuyada jmutyadata. <sup>11-12</sup> Vuryama jachu vuryivara Judenumusirya bayantu jatyata, vuryatidye vanuya bayantu nutyityu quivuchoda jidchoju vuy, jiryatimyu ne vuñiquechara nijyanvay savityavay jiyaroju, dantyamuy ne nudatavay

jiyaroju. Vuñiquechara jita riyaroju nutyityuveda day, nusuvyevyeda jarye, rityi nusuchara jirya mucadimu nupocudinube, rityi vichasara riicho janvay, jarichumu vichavay bayantuveda nicyaramyi. <sup>13</sup> Ramuniday vuryajmutya vuryimujura Judenumusirya bayantu jatyata titaju, vuryatidye vanutya paruchariy rundamu vuy; vuñumatiy vuunu variryi, vuryamaçhosara canavye varyi. <sup>14</sup> Vuryama radesiy nutyu puchusara nta vucyadnumu Judenu niquejadata. Vuryajachu vudyutuuvyara vudyutuujyo, jiryatiy Judenumusiy vase vichada darya. <sup>15</sup> Vuryajachu vuñumutuvantirya nutyu saapatuntiy ratatiy vuryajduty samituchoda tuchunumayajadaju vuy. <sup>16</sup> Jadchiy jita vuryajmutyantirya vuryamityatantiy jiryatiy vuryitay Judenumu tuvachoda darya, ratatiy vuryajmutya titajura bayantu nutyityu ruve, jiryatiy saduu jiidatya vuñechojura. <sup>17</sup> Vuryajmutya vuryinocojura Judenu jmutyadantiy, vuryajirintyirya Judenu niquejadantiy, jiryatiy Judenu Jnutu jchityitya darya. <sup>18</sup> Ne vuryaparuy riva Judenujsa tuchoda, vuryajiyasantajaya jachiñuyada ni, Suntumusiy datyadodamuju. Vuryantya vichasara vaniravay, vuryatidye jduty tara jidchoju vuy, ne vuryaparutya riva vuy. Vuryatuchujayasara sisa Judenu, titaju sasiityarivajyuu jiyadaju. <sup>19</sup> Jiryatuchu sisa Judenu rayadajuntidye, ratidye nique vijjomujache ritosirya samituchodantidye, jiryatiy dutyasara ravichanuyada, ratidye tuchu rachuvuyasadamura jiryatiy sanique Judenu rimusidyerya. <sup>20</sup> Ravyicha Judenuju

tuchu tanuvunujuvimu. Ramuni rañiqueruy rachuvuyasadamu, daryatij savata ranique jijyu.

*Samuchurveda Pávurubay tamitya riy*

<sup>21</sup> Jiryatidye datya raynchij, nuṭyura rañicha, Tíquicu ratuchu jiryivara titaju ravychada, rivaayada jarye. Nini jita vutyeryi jaryi vatasij, samij jmutyara varidyeñi, jiryatij sivaachara samij Vuyntyityumu dárya. <sup>22</sup> Ripa jiryimujuni, satidye datyatanirya tuchoda raynchij, ne jiryajachipiya tajijyu jijechimyu varij.

<sup>23</sup> Riryecha samij vutyeryiveda Vujye Judenu vatadamu, sunuchodamu jarye jiryatij sunuchusara jivyatadamu Vuyntyityu Jesucristumusidyevyuy. <sup>24</sup> Sasachara samij vichasada riy titaju jiryatij vuvyatajayasaranij Vuyntyityu Jesucristu, ne baryijasara vatadamuju.

Sayanuma Pávuru

## **Judenu jto nijyanvamyu New Testament in Yagua (PE:yad:Yagua)**

copyright © 2008 Wycliffe Bible Translators, Inc.

Language: Yagua

Translation by: Wycliffe Bible Translators, Inc.

Yagua [yad], Peru

### **Copyright Information**

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Yagua

**© 2008, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 22 Feb 2024 from source files  
dated 29 Jan 2022

741209ce-3bea-5617-a721-dc112d0873cd